



XXXVIII

F  
52

46  
F  
52 6.

BIBLIOTECA NAZ.  
Vittorio Emanuele III

XXXVIII

F

52

PAOLI


VIII. L. 6













ORATIO.  
ET POEMATATA  
JOSEPHI THOMÆ.

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

and

JOSEPH THOMAS

B- II. n. 1.

JOSEPHI THOMÆ

IN NEAPOLITANA ACADEMIA

Rhetoricæ Professoris

ORATIO, ET POEMA

DE REPARATA

CAROLI II.

SALUTE

AC POEMA

In Funere

EXCELLENTISSIMÆ

D. CATHARINAE

ARAGONIÆ,

SANDOVAL, &c.



*S. Catta Formelle*



*S. Napoli.*



NEAPOLI, M. DC. XCVII.

Ex Typographia Caroli Porpora, & Caroli Troysc.

*Superiorum facultate.*

CARROLL



D. CATHARINE

EXCELLENTISSIMO DOMINO

**D. LODOVICO**

**LACERDA**

METHYMNÆ COELIÆ DUCI, &c.

Et Regni Neapolitani P̄oregi, &c.



Vamquam ; Excellen-  
tissime Princeps , fe-  
lici nuncio allato de  
reparata **CAROLI SECVN-**

DI

DI salute; statim Orationem, &  
Poema composui, ut incredibili  
lem animi mei lætitiā signifi-  
carem; tamen memor Hora-  
tij in arte poetica asserentis, ni-  
hil, nisi nonum prematur in an-  
num, nihilque, nisi perfectum  
sit ingenio, & elaboratum in-  
dustria, in lucem esse proferen-  
dum; jacere hæc in tenebris se-  
pulta statueram. Nunc verò per-  
spiciens omnes ferè hujus Civi-  
tatis viros æquè eloquentia, ac

crudi-

eruditione conspicuos tanta de re  
nullam facere scribendi interca-  
pedinem, assiduisque typis ma-  
ximum gaudium testari non de-  
finere, volui diuturno silentio,  
quo adhuc usus sum, finem im-  
ponere, atq; aliquid prælo com-  
mittere, præsertim cum Rhetori-  
cam profitear in Neapolitana Aca-  
demia, quam Hispaniarum MO-  
NARCHA munifice sustentat,  
& fovet, ne aut officio deesse,  
aut in ingrati animi vitium inci-

dere

dere videar : Itaque Tibi ex animo confecro , ac dico Orationem , & Poema de nostri REGIS reparata salute unà cum Poemate , quod ipse nactus occasionem dicendi de eximijs , ac penè Divinis virtutibus Excellentissimæ D. CATHARINAE Matris Tuæ ; cujus anima nuper ex corporis vineulis , tanquam è carcere , evolavit ad Coelum ; in tantæ Heroinæ funere pro mei ingenij viribus ( si quid est in



me ingenij , quod sentio quam  
sit exiguum ) paucis diebus effin-  
xi. Tuæ profecto magnitudinis est  
hæc vel minima opuscula non  
aspernari , quæ licet luce digna  
non sint , tamen à fulgentissi-  
mis eximij nominis Tui radijs lu-  
men aliquod acceptura confido .  
Te igitur etiam , atque etiam oro ,  
atque obsecro , ut hanc animi  
mei significationem hilari fronte ,  
benignoque vultu excipias . Cœ-  
terùm sospitet Te Deus , & tu-

tum ab omnibus fortunæ injurijs  
Te servet, nullasque humanæ vi-  
tæ procellas reformides, Nesto-  
reamque ætatem degas. Vale, o  
nostrum præsidium, & decus.  
Datum Neapoli ij. Kal. Iul. An-  
no à Partu Virginis 1697.

Excèllentiæ Tuæ


*Humillimus, & addictissimus Servus*  
Joseph Thoma.

I

JOSEPHI THOMÆ  
In Neapolitana Academia Rethoricæ Professoris  
O R A T I O  
D E R E P A R A T A  
CAROLI SECUNDI  
S A L U T E.

AD EXCELLENTISSIMUM  
D. LODOVICUM LACERDA  
DUCEM METHYMNÆ COELIÆ,  
*Atque hujus Regni Dignissimum Proregem, &c.*

~~XXXXXXXXXX~~

 Ellem, Excellentissime Princeps, hodie-  
no die tanta mihi esset ubertas ingenij,  
tantaque dicendi copia, ut incredibilem  
lætitiâ, quam ex CAROLI SECUNDI Hispania-  
rum Monarchæ reparata salute percepimus, Oratio-  
ne complecti possem. At quis tam disertus, tam

A

fa-

facundus inveniatur, qui huic oneri non succumbat, huic muneris satis esse possit? Si excitarentur ab Inferis Tullij, ac Demosthenes, profecto tam immensi gaudij, quo perfunditur animus noster, ne minimam quidem partem verbis exprimerent. O faustum, ac felicissimum Nuncium! o dies gemmis, ne dum albo signanda lapillo! o fortunatum temporis punctum, quo REX AUSTRIACUS è faucibus penè mortis fuit ereptus, quo non modo hæc Civitas, sed etiam totus terrarum orbis fuit conservatus. Ecquis tam sensus expertus non gestiat? quis tam beati, ac verè aurei sæculi sortem noctes, atque dies non celebret? quis tantam hilaritatem vultu non præferat? lætantur pueri, juvenes, senes, omnis ætas, civium omnis ordo, ac Deo pro tanto beneficio immortales gratias agere non desinunt. Lætatis & ipse maximè omnium, Princeps Excel-

len-

lentissime , qui de Regia salute per literas certior factus ; cum summam voluptatem capere non posset , statim magno cum plausu tormenta bellica in arcibus explodi iussisti , noctis tenebras festis facibus fugasti , ferias in foro , dies festos , ac hilares in Urbe indixisti , atque in Templis solemni cum apparatu , & pijs concentibus Divino Numini sacrificia offerri pro gratiarum actione voluisti . Lætatur Regalis Aula : exultat Regium Palatium : nunquid nostra mœret Neapolis ? Parietes ipsi prægaudio exultare videntur . Gratulatur de reparata CAROLI SECUNDI salute nostra Civitas , atque in sinu gaudens , sexcenties gratulatur : etenim occidisset , si nostra salus , spes nostra , noster amor , vita nostra periisset . Actum esset , si CAROLO SECUNDO caruissemus : quo nullum alium Regem , prisca sæcula meliorem tulerunt , nec quēquam

alium sequens ætas viderit præstantiorem. Ejus enim genus si spectes, ab antiquissimis quidem, & fortissimis Heroibus traxit originem, qui non solum nostræ memoriæ; sed etiam omnes vetustatis Principes virtute, & gloria superarunt. Ac ne singulos Atavos, Reges, Imperatoresq; enumerem (id enim longissimam quidem historiam, non brevem orationem: multorum annorum, non brevis temporis spatium requireret,) unius tantum ex tot Augustissimis majoribus, CAROLI nimirum QUINTI memoriam recolere mihi liceat, qui plures ferè victorias, quàm vitæ dies numeravit: plures triumphos meritus est, quàm cæteri concupierunt: plura bella feliciter gessit, quàm alij legerunt: plures Provincias devicit, quàm cæteri peragrarunt: florentissimas hostium copias delevit: plurimas urbes direptioni dedit, atque incendijs: gentes immanitate

bar-

barbaras edomuit : multosque populos ad suam ditionem quàm celerrime redegit . Testis Africana Carthago , quæ tot annos Populum Romanum defatigavit , diripuit , à CAROLO V. brevī temporis intervallo superata , ac devicta . Testis Pannonia , quæ apud Danubium crudelissimum Turcarum Tyrannum solo CAROLI nomine expulsum , & fugatum aspexit . Dicant Galli , Sicambri , & Cimbri . Dicat Europa , atque omnis terrarum plaga ejus clarissima gesta , cujus famam semper posteritas admirabitur , cujus de laudibus nulla unquam ætas conticescet . O Heros inter omnes maximus recensendus ! o CAROLI SECUNDI Atavus gloriosissimus ! o AUSTRIACA de Cælo delapsa progenies ! Et si ex ungue Leo , atq; ex umbra cognita fuit olim Pyramidum altitudo , satis sit ex hoc uno totam AUSTRIACAM prosapiam demonstrasse . Quid autem , si  
in-

innumeras, & eximias CAROLI SECUNDI virtutes contemplari velimus ? Omnis quidem acies ingenij tot virtutum lumen intuens ; hebescet . Quis enim ejus comitatem , ac benignitatem non admiretur ? cum omnibus Regia pateat : nemini prohibeatur accessus : omnes sereno vultu excipiat : omnes amabili majestate alloquatur . Quis ejus misericordiam ad Cælum laudibus non efferat ? cum nemo egens, quod petit , non impetret : nemo rebus suis desperans , cui non præbeat auxilium . Quis ejus continentiam prætereat ? cum nullis voluptatum illecebris moveri , nullo Sirenum cantu trahi possit : ut , tanquam Xenocrates, ne candor animi , atque integritas labefactetur, mori malit , quàm fœdari . Quis non obstupe scat animo perpendens ; qua mansuetudine sedet iram : qua temperet dolorem patientia : qua animi serenitate mœroris nubes disjiciat : quo

be-



benevolentiae fonte odij flammam extinguat? omnes enim commotiones, quæ in mentis arcem tumultus excitare solent, virtutum habenis coercet; ac regit. Quanta Justitia populos, Urbes; & Regna moderatur? quanta tranquillitate geminos terrarum orbes gubernat? cum mœrentes honoribus, nocentes meritis afficiat supplicijs. Quanta effulget clementia, & mansuetudine? qui non modò ijs, qui ipsi nocere voluerunt, vitam remisit, sed etiam amplissimis dignitatibus cohonestavit: qui neminem puniri vellet, nisi vereretur, ne scelestorum hominum multitudo sua cresceret indulgentia. Quàm eximia prudentia, & fortitudine belli Duces, ac milites deligit, exercitus armat; & conflat, castra præsidijs munit, ab hostium incursionibus defendit? quàm singulari pietate Christi religionem propagare conatur? quem neque Aulæ splendor, neque Imperij

perij magnitudo ; neque amplissimus Dominatus ,  
 neque luxus à sancto , & pio consilio remove-  
 ruerunt : Hinc templis donaria , materia , & opere  
 mirifica dicare , & sacras ædes construere non desi-  
 nit : Deo sacrificia offerenda , supplicationum illu-  
 stres Pompas , & quæcunque ad Divinum cultum  
 conferunt , conficienda semper curavit . Quod si Asiæ  
 Reges , ac Dynastæ sive , ut fugientis gloriæ um-  
 bram , nominisque famam quærerent , sive Numinis  
 colendi studio , ac religione ducti , se clarissimos ,  
 ac fortunatos putabant , si ad Ephesinæ Dianæ tem-  
 plum cohonestandum magno sumptu , ac opere , vel  
 unam columnam adjecissent : quam nominis immorta-  
 litatem sacræ magnificentiæ operibus , AUSTRIACUS  
 REX non est assequutus ? Dum stabit Alexandria ,  
 conditorem suum , tanquam parentem , Alexandrum  
 loquetur : nec fama nostri Regis delebitur , dum  
 sta-

stabant viæ, quas stravit: ædificia, quæ construxit: mœnia, quæ crexit: urbes, quas instauravit. Et si Claudius Appius Populo Romano non tam carus fuit propter præstantem sapientiam, generisque nobilitatem, quàm ob viam stratam, quæ veterum Scriptorum monumentis de suo nomine celebratur: quàm carissimus est suis subditiis CAROLUS SECUNDUS ob publicas constructiones? An supremas REGIS AUSTRIACI laudes attigimus? Nullum fanè tantum est flumen ingenij, nullaue dicendi tanta vis, quæ non dicam exornare, sed ejus virtutes enumerare possit. Itaque sileat suos Cyros, atque Darios Persis, Philippos; & Alexandros Macedonia, Ptholomæos Ægyptus, Mausolos Caria, ac suos Cæsares Roma. Cedant omnes uni CAROLO SECUNDO Hispaniarum Monarchæ, ac nostri Regni Augustissimo Regi. Regem tam claro

genere natum, tam benignum, tam misericordem,  
tam integrum, tam prudentem, & fortem, tam  
clementem, & mansuetum, tam pium, tam ma-  
gnificum fera mors rapere nobis est conata. Proh  
Deus immortalis! in quanto versati sumus periculo,  
quantis malorum procellis, quantis calamitatum  
turbabinibus jactati, atque exhausti fuisset, si REX  
AUSTRIACUS migrasset ad Cælum? protinus Fi-  
des, Pudor, Innocentia, Pietas, ac Virtutes om-  
nes opprimerentur. Fraus, libido, petulantia, te-  
meritas, amentia triumpharent: protinus hostes no-  
strum interitum, exitiumque anhelantes irrumpe-  
rent: agros excursionibus depopularentur: omnia  
quæ possidemus, diriperent: quicquid nobis pretio-  
si, & æstimabilis esset, raperent: mœnia, domos,  
arces delerent: templa plurimis referta donis spolia-  
rent: statim aspiceremus afflictari æquestrem ordi-  
nem,

nem, squallere Senatum, plorare senes, adolescentes ad Reipublicæ bonum natos, aut trahi ad necem, aut ad miseram redigi servitutem, liberos partim è matrum sinu abripi, partim ante parentum oculos trucidari, Virgines ab hostibus rapi, ac violari, omnia plena cadaveribus, cœde, sanguine, atque hanc Urbem, Italiæ delicias, fieri funestissimæ Tragediæ spectaculum. O horrendum exitium! o calamitatem intolerabilem! o miseram Neapolim! o infelicem Italiam! o totum terrarum orbem deplorandum! melius esset millies mori, quàm hæc videre, ac sufferre. An cœtera Italiæ loca, quiete fruerentur? Scinderentur quidem Alpes: Apenninus arderet bello: manaret sanguine Fridanus: Tybris præter morem inundans, Capitolium quateret: Inferum, ac superum mare hostium classibus infestaretur: iterum Totilas, & Atilas, cum

Gothis, & Vandalis adessent armati: iterum Saraceni demolirentur Urbes, pararent incendia: ubique grassaretur fames: ubique esset luctus: ubique clamor, & horror. An Hispania ubi nostri REGIS Aula, tanquam Cœlum refulget, acquiesceret? Profecto sine CAROLO SECUNDO, veluti sine Sole suo, jaceret in tenebris. Pyrenæorum culmina fulminibus assiduis ferirentur: mœstus doleret Iberus: Tagus fremeret ad Oceanum: majoribus æstibus Herculeum fretum agigaretur: denuo Numantia, & Saguntus solo æquarentur. Nunquid Gallia depositis armis ad Ararim, & Sequanam somnum caperet? sinem præliandi faceret? in Belgicas Provincias impetum facere desineret? Heu quanto sanguine Rhodanus, quanta Scaldis inficeretur clade, quantis Britannia, & Hybernia fluctibus vexaretur! Nunquid Pannonia apud Danubium pacata suos coleret agros,  
lætas

lætas exerceret saltationes ? Nunquid in Bosphoro  
Thracio Turcarum Tyrannus suam sævitiam , & im-  
manitatem in Christianos cohibuisset ? An in Asia ,  
& Orientalis Indiæ Insulis nullæ seditiones ? An  
in Messicanis , & Peruvianis oris nulli tumultus ?  
An in Africæ litoribus nullæ cœdes , nulla commo-  
tio ? Quid ? nullæ seditiones ? nulli tumultus ? nullæ  
cœdes ? nulla commotio ? Totus quidem terrarum  
orbis everteretur , ac ferè occideret . Assyrij Impe-  
rij clarissimum lumen scimus esse penitus extinctum ?  
extinxit Principis interitus . Persarum fortunatissi-  
mum dominatum audivimus esse deletum ? delevit  
Principis obitus . Romani Imperij dignitas fuit afli-  
cta ? aflixit mors Principis . Omnes Imperiorum  
occasus , quos audimus , ( quot autem non audivi-  
mus ? ) uni Principum mortui sunt tribuendi . Quod  
si mortuo Alexandro , florentissimi exercitus fue-  
runt

runt profligati , plurimique viri fortes interempti ,  
ac tota ferè Asia , & Europa præliorum arsit incendio , cum de Græciæ dominatu dimicaretur : si interfecto Julio Cæsare Romana Civitas Civium sanguine inundavit , atque homines inhumani civili cæde expleri non potuerunt : quot belli flammæ suscitarentur ? quæ cædes ? quæ clades fierent ? quantum sanguinis effunderetur , si CAROLI SECUNDI , qui multò dignior est Alexandro Macedone , & longe præstantior Julio Cæsare , spiritus è corporis vinculis solutus evolasset ad Cælum ? Agamus , agamus maximas DEO gratias pro restituta nostri Regis salute : cujus incolumitas est salus Urbium , Regnorum , totiusque orbis terrarum firmamentum , præsidium , & columen . Agamus æterno Numini æternas gratias pro tanto beneficio , quo Divina Providentia Neapolim , Italiam , Hyberniam ,

In-



Indiam , Europam , Americam , ac totum terrarum orbem à calamitatibus , à ruinis , ab incendijs liberavit . Æternas , inquam , Cœlitibus agamus gratias pro CAROLI SECUNDI vita conservata ; etenim si vitam ducimus : si Solem intuemur : si agros , si domos , si fortunas possidemus : si castitas , si Justitia , si pietas , si reliquæ virtutes coluntur : si in nostra Neapolitana Acadamia bonæ artes , ut Athenis olim , florescunt : si pax , si tranquillitas Civium animos recreat : si quicquid optamus , est in nobis , id omne CAROLI SECUNDI vitæ acceptum referendum . Quamobrem si navigantes in Jonio , aut Ægeο mari subitis turbinibus ita fuerint jactati , ut parum abfuerit , quin paterentur naufragium , cum præter spem in portum appulerint , malorum obliti , in litore genio indulgent , ac lætantur : si Cygni , quos in aere ex improvise ad-

volans

volans Vultur fame agitatus insequitur, urget, jam  
jamque diripere conatur, cum ab ejus rapacibus  
unguibus evaserint, statim ad vada Mæandri, aut  
ad Caystri ripam jucundum edunt concentum: Nos  
quoque tam gravi, tamque extremo periculo, quod  
nostris capitibus impendebat, liberati, quo gaudio  
perfundimur? qua exultamus lætitia? quam hilarita-  
tem percipimus? Meus quidem animus tantam vo-  
luptatem capere non potest; & si deposita Oratoris  
persona, mihi Poetam agenti liceret uti aut Cytha-  
ra, qua Thebanus Pindarus Olympica, & Pythia  
certamina canere solebat: aut lyra, quam fabulan-  
tur sistere flumina, ac movere saxa: aut Homeri  
tuba, quam Magnus Alexander invidit Achilli,  
profecto tam lætum, ac felicem diem jucundis car-  
minibus celebrarem. O fausta lux! o felicissimus  
dies! Convaluit REX noster AUSTRIACUS, atq;  
ita

ita convaluit, ut in Solio Sceptrum tenens Vrbes,  
& Regna gubernet: At quis Machaon tristem mor-  
bum depellere, quis Podalirius ad pristinam vale-  
tudinem revocare; quis Hippocrates à periculo  
vindicare, quis nostri REGIS vitam conservare po-  
tuit? Anne ut de Ænea comminiscuntur, Numen  
aliquod fictum; & mendax dictamum ab Ida mon-  
te colligens vehementi malo occurrit? Vota Chri-  
stianæ pietatis, quorum AVSTRIACVS REX sem-  
per se patronum, ac defensorem præbuit: vota;  
& preces tot populorum, quos ille tanquam pater  
amantissimus fovet, diligit, & amat, optatam sa-  
lutem à DEO impetrarunt. Valet REX meus AV-  
STRIACVS. O fortunatum seculum! nunc verè  
cum Sulmonense dicere licet: lactis eunt flumina,  
& nectaris, mella stillant ex ilice. O nimium fe-  
lix, ac beatum nuncium! Gaude Neapolis, gaude,  
C  
atque

atque in arcibus, in domibus, in Templis, omnibusque locis plaude, & modulare. Jam tota Civitas exultat, & plurima dat signa lætitiæ, Te Duce[m] sequens, Excellentissime Princeps, qui tot solemnibus pompis, ac theatralibus ludis nos exhilaras, atque oblectas, qui in Parnassum Palatium, transferre, atque Aulam Musarum domicilium redere voluisti, cum omnium eruditorum cœtum convocaveris, ut AVSTRIACI REGIS nomen immortalitate donetur. Exulemus, & lætemur omnes, atque ut olim Romani devictis, & fugatis hostibus, triumphos parare, ac trophæa instituere solebant: sic nos expulso, ac superato inimico morbo triumphemus: reparata REGIS nostri salute arcus, & trophæa erigamus. Gaudeamus, omnique animum mœrore levemus, atque unâ manus ad Cœlum extollentes maxima cum gratiarum actione petamus,

& ob-

& obsecremus, ut DEVS Optimus Maximus Augustissimum REGEM nostrum AVSTRIACVM semper conservet, ejusque vitæ multos fortunet in annos. O terræ, ac Cœli moderator DEVS, cujus nutu flammæ globi in fornacibus non ardent, procellæ, ac turbines è mari diffugiunt, & Inferi contremiscunt. Depelle in posterum læthales morbos à nostro REGE: CAROLVM SECVNDVM, unicum pietatis exemplum, defende. Ne finas unius vitæ periculo totum terrarum orbem concuti, ac ferè perire: Ne finas unius morte Christianæ Religionis hostes triumphare. CAROLVM SECVNDVM nostrum REGEM, custodi. REX AVSTRIACVS, spes nostra, diù degat in terris. Respice Romæ, & Hierusalem preces, tot populos orantes miserare. Tribue tandem optatam prolem: tribue AVSTRIACO germiui fecunditatem. Nascatur

tandem parvulus, qui tanquam Sol, omnes dissidiorum tenebras à Christianis Regionibus removeat, qui labantem terrarum orbem confirmet, qui devictis, ac disjectis Christiani nominis hostibus, amissa potiatur Solyma, Sanctum Sepulchrum liberet, Romanam consoletur Ecclesiam. Da novam prolem, Omnipotens, tot Regnorum gementium preces exaudi. Vivat CAROLVS SECVNDVS semper felix, semper incolumis vivat. Viue & ipse, Princeps Excellentissime, hujus Regni dignissime Prorex. Vive LACERDA METHYMNÆ COELIÆ, qui magno cum plausu in omnibus optimè te geris, siue in classibus Principatum obtineas, siue in Regnis Imperij clavum teneas: cujus felicissimo auspicio, ac moderamine nostra exultat Parthenope, atque immortales habens gratias se totam in perpetuum devincit, ac dedicat.

EJUS:



EJUSDEM JOSEPHI THOMÆ  
 P O E M A  
 D E R E P A R A T A  
 CAROLI SECUNDI  
 S A L U T E .

~~REPARATA~~

*LIBER PRIMUS.*

**A**USTRIACI REGIS reparatam canto salutem,  
 Qui morbo ereptus retulit de morte triumphum.

Pierides Diyæ, colitis quæ culmina Pindi,  
 Auxilium præbete, mihi aspirate canenti.

Juppiter omnipotens, nutu qui cuncta gubernat,  
 Dilectum cernens populum, gentemque fidelem

In

In terris latè cumulantem altaria donis,  
Vota, precesque hominum lætus iam corde fovebat.  
Ast ubi Threicijs convertit lumina terris,  
Arma parare videns, atque horrida bella minari  
Regnatorem Asiæ injustum, sævumque Tyrannum,  
Turbidus hæc secum Divina mente loquutus:  
Gens inimica mihi fidas evertere gentes  
Audeat? & credat victam se vincere posse?  
Vidit hyperboreâ quot corpora strata Viennâ?  
Ingentes quotnam spectavit cœdis acervos?  
Devictæ Budæ quantum sub mœnibus altis  
Sanguinis effusum, cum vertere terga coacti  
Sunt sævi Thraces, propriasque relinquere sedes?  
Flumina adhuc atro cernuntur sparsa cruore,  
Fusaque nunc latos albescunt ossa per agros.  
Miscere ergo iterum audebunt hæc prælia gentes?  
Corpora multa virum passim sternentur arenæ?

Ali-



Alitibus, canibusque feris data præda jacebunt?  
Ipse ego conjiciam vibranti fulmina dextra,  
Disjiciamque acies, miseranda ac morte resolvam.  
Non secus ac stravi quondam, detrudere Cælo,  
Cum me certantes armis voluere, Gigantes.  
Talia tum secum Divina mente volutans  
Omnipotens, Aquilam ad se protinus ipse vocavit,  
Quam sic compellat flammatis vocibus ultro:  
Nuncia fida mihi, cœlestes deferre sedes,  
Vulcanique domum tenues pete tecta per auras,  
Atque mea hæc illi mandata referre memento:  
Dic, subito conflent radiantia fulmina, possim  
Urere quicquid sevas acies, classemque rebellem.  
Sic ait: at dicto parens hæc Ocyor Euro,  
Trinacriæ ad litus rapidis se contulit alis.  
Cum vero levibus pennis pervenit amœnos  
Ad campos, Cereris vernos ubi filia flores

Legerat, & fuerat crudeli rapta Tyranno.  
Allapfa extemplo fumante in vertice sistit,  
In cujus latere & vasta sub rupe cavata,  
Antrum immanc tonat, rutilantem ructat & ignem:  
Dat gemitum tellus, strepitu Cælum omne resultat,  
Finitimæque pavent urbes; nemus omne remugit,  
Omnis & agricola hoc sonitu perterritus arva  
Deserit aufugiens, curamque relinquit aratri.  
Exanimant tantùm resonantia saxa caminis.  
Atram speluncam ingreditur pennata Satelles,  
Nec timet horrendos sonitus, flammæque voraces:  
Ignitum ferrum hoc vasto Cyclopes in antro  
Viribus exercent validis, nudusque Pyracmon,  
Brontes, & Steropes geminant incudibus ictus.  
Tegmina tuta cavant capitum; clypeosque decoros  
Effingunt alij, rutilasque in casside cristas,  
Loricæ alij expediunt, ensesque nitentes;

Fer-

Fervet opus, cuncti noctesque, diesque laborant.  
Hæc opera Ætnæo fabrilia spectat in antro  
Ales, at Ignipotens mira cælaverat arte  
Fulgentem clypeum gemmis, auroque micantem;  
In latere aspicitur triplici circumdata muro  
Buda potens, nimiumque obsessa potentibus armis;  
Scandere certatim facta testudine muros  
Contendunt hostes: nequeunt defendere Cives,  
Sternuntur partim confossi pectora segnes,  
Arripiuntque fugam partim formidine capti,  
Invictamque urbem quondam, patriamque relinquunt.  
Ast alia clypei fulgentis parte Vienna,  
Hostibus innumeris multa obsidione tenetur.  
Non ullam Cives possent sperare salutem,  
Ni daret auxilium Princeps, acerque Polonus.  
Hæc Pater in clypeo miranda dum arte polibat  
Lemnius intentus, convertens lumina circum,

D

Vidit

Vidit Avem, scutum confestim informe relinquens,  
Effudit tales hirsuto è pectore voces:

Quæ tibi causa fuit, magni Jovis armiger, ædes

Linquere sidereas, nostrasque intrare cavernas,

In quibus assiduus circumtonat ictibus Æther,

Ætnæique struunt Marti dura arma Cyclopes?

Hæc Vulcanus ait: Cui talia reddidit Ales:

O Deus Ignipotens, Cœli delapsa per auras,

Huc Jovis Imperio veni. Hic te fingere jussit

Fulmina, ut hostilem possit comburere classem:

Hæc fata: Ille videns atro Cyclophas in antro

Intentos operi, sic vocibus ora resolvit:

O Fidi Socij, tribuit queis robora virtus,

Imperfecta feri nunc arma relinquite Martis,

Fulmina sunt fabricanda Jovi, quo cuncta tremiscunt,

Cujus jussa nefas contemnere: viribus usus

Nunc vestris: vestra nunc est opus arte magistra:

Præ-

Præcipitate moras : incepta reponite Martis  
Arma citi : totisque incumbite viribus omnes :  
Fulmina solliciti summo fabricate Parenti.  
Dixerat : Illi autem properantes cœpta reponunt  
Arma, atque effingunt supremo tela Tonanti.  
Regina alituum armorum miratur acervum,  
Et stupefacta simul rerum novitate requirit,  
Quid struat his armis Mars, & quæ bella pararit :  
Ingentem gemitum tum imo de pectore mittens  
Lemniacum Numen, mœrenti hæc edidit ore :  
Quamquã animus meminisse horret, penitusq; pavescit,  
Innumeras cœdes, horrendaque bella referre,  
Quæ latè fuerint totum dispersa per orbem.  
At si tantus amor pugnarum noscere causas,  
Terrarumque juvat magnos audire labores,  
Accipe, quæ referam, memorique in pectore serva :  
Egregia in terris Princeps pietate refulgens,

Qui regit Imperio terras, populosque gubernat,  
 CAROLUS AUSTRIACUS claro cognomine dictus,  
 Cunctorum nulli Regum virtute SECUNDUS;  
 Hic morbo jacet in stratis; febrique maligna,  
 Claudet & æterno jam jam sua lumina somno,  
 Et paucis horis terrarum deferet orbem.  
 Heu! quantas cædes Orbis, quot sæva videbit  
 Funera, vitales Princeps si liquerit auras!  
 Sanguine quàm multo manabit mæstus Iberus!  
 Quàm Tagus Oceani luctantibus obstrepet undis;  
 Herculeumque fretum maioribus æstibus actum,  
 Quot rapidos tollet suprema ad sidera fluctus!  
 Ipse caput Rhodanus medijs extollet ab undis,  
 Emittens tristes imo de corde querelas,  
 Corporibus cæsis plenas cum viderit oras,  
 Viderit atque suas infectas sanguine lymphas.  
 Tunc præter morem percurreret Scaldis inundans

Latos per campos, atroque cruore rigabit  
Rura propinqua: gemetq; Britannia mœsta ruinas,  
Atque suam lacrymans spectabit Hybernia mortem  
Bella gerens: nullos recolet Germania campos,  
Non ullos edet cantus, nullasque choreas  
Exercebit ovans: mœstus lugebit & Indus:  
Bosphorus aspiciet crudelia bella Tyranni  
Threicij, plorans & Messica Terra pavebit:  
Africa littoribus cernet sua funera passim:  
Alpes scindetur, manabit sanguine multo  
Eridanus, turgens quatiet Capitolia Tybris:  
Italix fortasse iterum mox Vandalus oras  
Adveniet, camposque armato milite complens,  
Corpora multa virum sternet, stragemque parabit:  
Non secus ac præceps Montis de vertice Torrens  
Saxa trahit rapide, & sylvas rapit omnia secum,  
Exitium armentis affert, domibusque ruinam:

Omnia

Omnia sic armis evertet ferreus hostis :  
Cædentur latè pueri, Juvenesque, Senesque,  
Crinibus & matres frustra de more solutis,  
Templa petent superum votis, precibusq; requirent,  
Ut tanti belli flammaram desinat ardor .  
Tunc malesuada fames cunctis grassabitur oris,  
Clamor ubique, pavor, funestæ & mortis Imago :  
Quis referet cladem, toto quæ fiet in orbe ?  
Hæc, hæc causa fuit, cur Mars hæc arma rogarit,  
Cur nostri assiduis manent sudoribus artus :  
Mulciber hæc . Ales contra est his vocibus usa :  
Da precor, o Vulcane, statim mihi fulmina, raptim  
Nam mea Coelicolum ad Regem flagrat ire voluntas,  
AUSTRIACO ut REGI possim impetrare salutem,  
In terris qui unus claro sub stemmate nostram  
Exprimit effigiem, ac tanto dignatur honore .  
Da, Vulcane, mihi subito, da tela trifurca,

Una



Una salus Regis cogit properare, salutis  
Cura nimis tanti Regis mea pectora mordet.  
Continuo ille jubet socios celerare Cyclopes,  
Qui prompti ducunt horrendos fulminis ignes.  
His Avis acceptis, Vulcania tecta relinquit,  
Æthereasque plagas rapidis petit ardua pennis,  
Nec sistit quamvis Cœlum nox atra tenebris  
Cingat, & alituum, & pecudum genus omne quiescat,  
Quamvis & nullo splendescat Luna nitore,  
Nec solito ardentes stellæ splendore coruscent.  
Ast ubi jam medium Cœli tranaverat Ales;  
Ecce rubescebat pulsas Aurora tenebris,  
Eoamque domum clarus referabat Apollo,  
Cujus fulcitur tectum sublime columnis,  
In quibus effigies gemmis, rutilisque Pyropis,  
Undique præfulgent adamantibus, atque smaragdis,  
Signaque Zodiaci referunt, septemque Planetas.

Una

Una ex parte domus renitet jucunda juvenus  
Anni, cui texunt violæque, & lilia amictum  
Candida, cui cingunt florentia tempora ferta.  
Parte autem ex alia spicarum cincta corollis,  
Torrida conspicitur maturis frugibus æstas,  
Qua nitidi fontes arent, herbæque virentes.  
Cernitur Autumnus robusto corpore, vestis  
Sordida cui pendet, maculata, impexaque barba,  
Cui rubro vultus musto, vinoque rubescit.  
Hinc glacialis Hyems canis hirsuta capillis,  
Horrens expallet, trepidat, nivibusque tremiscit.  
Non procul inde Senex, nulla est quo longior ætas,  
Semper iter rapidum tendens velocibus alis,  
Dente terit chalybem, ferrumq; & marmora frangit.  
Omnia consumit, totis at viribus illos  
Non lacerare potest libros, quos dextera gestat,  
In quibus apparet quicquid scripsere disert

In-

Inclyta gesta Ducum, veterum & monumenta virorū.  
Temporis è rabido rosa omnia dente peribunt;  
At literis, armisque manet, semperque manebit  
Gloria, & immortale decus fulgebit in ævum.  
Interea celeres horæ è præsepibus altis  
Educunt currum, cuius temo aureus, aurci  
Atque orbes, simul ex auro prælucet & axis,  
Et radij rutilis gemmis, auroque renident.  
Sub juga jam positi spirant è naribus ignem,  
Hinnituque auras feriunt, & Xantus, & Æthon.  
Ascendens currum retegит jam lampade terras  
Titan, fertque diem, totumque illustrat Olympum.  
Tunc accessit Avis, Jovis atque ingressa Tonantis  
Cœleste ad solium, vultum demissa profatur:  
O Pater Omnipotens, Uulcani tecta petivi,  
Hic tibi Cyclopes jussit fabricare corusca  
Fulmina, & arma statim sævi deponere Martis.

Ast ego loricas, clypeos, ensesque nitentes  
Aspiciens, cœpi scitari, & quærere causam,  
Tot cur Cyclopes gladios, atque arma pararint:  
Rettulit ille mihi ad suprema accedere fata  
Heroë AUSTRIACUM, unde horrentia prælia surgēt.  
His ego perceptis, celer antrum immane reliqui,  
Præcipitique tibi cursu fera fulmina duxi,  
AUSTRIACI ut supplex possim exorare salutem.  
Da precor, Omnipotens, Regi concede migranti  
E vita longam vitam, miserare gementes  
Tot populos, gentesque, mei miserere dolentis.  
AVSTRIACVS Princeps spatium si finiet ævi,  
Exprimet effigiem nostram quis stemmate Regum?  
Ante tuas aras quisnam tibi thura cremabit?  
Quis tibi sacrificans meritos persolvat honores?  
Edidit hæc orans: Summi at Regnator Olympi,  
Fulminibus positus, Maja vocat Arcada natum.


Quem

Quem sic alloquitur : Propere Caducifer Hermes  
Tartaream ad sedem, quæ habitant in faucibus Orci,  
Adveniant diræ Parcæ . Nec plura loquutus :  
Tum Maja genitus nescit talaria plantis,  
Protinus & Scythicas Boreæ se duxit ad oras .





L I B E R   S E C U N D U S .



**P** Arrhasiæ est regio gelido sub Virginis axe,  
 In qua tecta jacet densis spelunca tenebris,  
 Immanis, præceps, atris serpentibus horrens.  
 Non ulla hùc penetrant radiantia lumina Solis;  
 Non ullam lucem, Phœbe, nec sidera mittunt.  
 Mercurius densas Erebi hàc descendit ad umbras.  
 Vestibulum ante ipsum, lucus non territat illum,  
 Nec metus, ultrices curæ, nec tristis egestas,  
 Nec labor, atque fames, morbus, squallensq; senectus,  
 Nec dolor, aut lethum, somnusque simillimus ipsi;  
 Non illum terret bellum, aut discordia demens,  
 Nec sævi Emenidum thalami, sedesque cruentæ,  
 Et

Et quamvis Hydra infurgat, flammisque Chimæra  
Intonet horrendum, quamvis Stymphalides uncis  
Unguibus invadant, & Gorgones anguibus atris:  
Attamen impavidus transit Phlegethontis ad undas,  
In cujus ripa gemit horrida cymba Charontis.  
Nec canis infernus terret tria guttura pandens,  
Obscurasque implens vastis latratibus umbras;  
Quin etiam agnoscens Numen rabido ore quievit,  
Movit & illecebris caudam, pressitque latratus.  
Divum incedentem non detinet ipsa flagello  
Tifiphone, non Aleclo redimita colubris,  
Non quæ mille modis torquet truculenta Megara.  
Transit Atlantiades, gemitus atque audit eorum,  
Queis turpi incensum, nimiaque libidine pectus  
Arferat in superis terris, dum vita manebat.  
Fædum nidorem sentit, tristemque Mephitim,  
Quam stygis exhalant horrendæ stagna paludis.  
Aspi-

Aspicit & pœnas scelerum , ut crucientur in imo  
Fulmine confixi , strati , victique Gigantes .

Aspicit , ut vinculis strictus , radijsque rotarum  
Pendeat Ixion , qui se jactaverat esse

Complexu dignum Junonis : at illicò magnus  
Juppiter intorquens fulmen demisit ad Orcum .

Cernit , ut in medijs dirus stet Tantalus undis ,

Pomaque diffugiant , avidus dum carpere quærit :

Nec tamen hæc scelerei est æqualis pœna putanda ,

Membrâ sui Pelopis mensis apponere Divum

Ausus cum fuerit : pietas non ulla parentis

Continuit dextram . Scopulis ò durior ipsis !

Cernit , uti Tityi rostro cor devoret unco

Immanis Vultur , quo pasci haud desinit unquam :

Hanc patitur pœnam Phœbi , quando ipse parentis

Quæsitivè temere castum violare cubile .

Nec tulit impune hoc facinus Phæretratus Apollo ,

Ejus



Ejus nam telo pectus confodit acuto.  
Tnm videt, ut diræ nequicquam Belides undas  
Sanguine fœdatæ fluidas in vase reponant,  
Ex quo mille vijs, multoque foramine lympha  
Defluit: æterna hac plectuntur crimine pœna.  
Spectat, ut ex alto rediturum vertice saxum  
Sisyphus adducat, nam Coeli arcana retextit.  
Pirithoum spectat, fatis qui agitatus iniquis  
Plutonis quærens thalamos fœdare jugales,  
Reginamque Orci, dominam violare potentem;  
Plectitur <sup>h</sup>humani saxo jam, jamque cadenti.  
Prospicit ac illos, qui incestus, furta, rapinas,  
Atque dolis varijs ausi fraudare propinquos,  
Spernere Justitiam, quicumque & frangere leges  
Divinas voluit, flammis ultricibus omnes,  
Noctes, atque dies ardent, glacieque nivali  
Vexantur, rabieque gravi, horrentique furore.

At

At jam ad Parcarum sedem Cyllenia Proles  
Pervenit , primoque gradus in limine preffit,  
Quarum prima colum retinet, filum altera voluit ;  
Tertia sed vitæ pendentia stamina truncat .  
O diræ Parcæ , nulli quæ parcitis , inquit ,  
Nunc Jovis Imperio ad cœlestia Regna venite ,  
Accelerate viam ad Cœlum, nunc tendite gressus ,  
Nanque agitur summa de re , terræque ruina .  
Talia voce refert : Cœli ac petit astra volatu.  
His dictis stupuere Deæ fatalia nentes  
Stamina : supremique Jovis mandata facessunt .  
Hinc imas Orci sedes , Erebumque relinquunt ,  
Atque statim celerant cursum biparentis Olympi  
Ad celsum Regnum, ac solium sublime Tonantis :  
Venistis, diræ Parcæ , tùm Juppiter infit ,  
Stamina quæ vitæ netis, nec parcitis ulli :  
AUSTRIACI REGIS vitæ ne scindite fila,

Aurea

Auræ filâ colo æternum ducenda per ævum ;  
Sed ne Tartarei vultus cœlestia fœdent  
Regna , meis procul ite , procul discedite tectis ,  
Non licet hac vobis lucenti in sede morari ,  
Quæ luctum , mortemque datis , nam spiritus omnis  
His oris habitat formosa luce refulgens .  
Vos habitare decet fundo telluris in imo ,  
Semper ubi tenebræ , pallens ubi semper & umbra .  
Dixerat : Accelerant illæ velocius Euro ,  
Umbrarumque graves sedes , barathrumque revisunt ;  
Atque ubi Cocyti ad flumen , stygiamque paludem  
Advenère , Jovi parent , filâ aurea ducunt .  
Hoc Pluto advertens , scitari , & quærere causas ,  
A Jove cur fuerint ad lucida Regna vocatæ ,  
Illæ autem referunt supremi jussa Tonantis ,  
Aurea quo fuerint vitæ dare filâ coactæ  
AUSTRIACI REGIS . Dirus tum pectore ab imo

Dat gemitum Pluto, quatiens & cornuà frontis,  
Dentibus ac mordens caudam stridentibus, ignem  
Luminibus vibrat, flammisque eructat ab ore,  
Horrendumque fremens vasto sic intonat antro:  
Nonne satis fuerat Cœli me pellere sede  
Juppiter, ac fratri tenebrarum tradere Regnum?  
Quid juvat hoc Regnum, vacuum si reddere curas  
Manibus? AVSTRIACI REGIS producere vitæ  
Stamina cur tentas? vitæ si linqueret auras  
Hic Princeps, totum fierent fera bella per orbem,  
Et nigra innumeræ ruerent ad Tartara manes.  
AUSTRIACUM Heroem patiar non ducere vitam:  
Efficiam ut cernas terræ, Cœlique ruinam.  
Non ego inultus ero, crudelia bella movebo  
In superos, validisque meis vis nulla resistet  
Viribus, evertam terras, pelagusque profundum,  
Cœlicolasque tua sublimi è sede repellam.

Invito

Invito AUSTRIACUS morietur, Numine, Princeps.

O Fidi socij, Domino succurrite vestro,

Scindite vos Regis, vos stamina scindite vitæ.

Hæc ait, atque ingens gemuit, mugitque caverna:

Vocibus horrendis sævæ accurrere sorores,

Seque Jovi Stygio præbent parere paratas.

Hic verò Alecto stridens horrentibus hydris

Protinus exclamat, rabidisque ita vocibus infit:

Ecce tuis jussis me promptam maxime Princeps,

Quodlibet ad facinus detur mihi cura nocendi,

AVSTRIACI REGIS contingam crinibus artus

Vipereis teneros, atro spargamque veneno,

Ille meis tandem sternetur viribus hostis.

Sic fata est: Rabie Pluto succensus, & ira,

I, decus umbrarum, propera: pete tecta SECVNDI

AVSTRIACI CAROLI: nostro cadat ille veneno.

Vix hæc edidérat: Celerans velocibus alis

AVSTRIADVМ sedes, aulamque petivit Erinnyſ.  
 Juppiter interea Parnaffi ad culmina montis  
 Mercurium mittit, crinito edicere Phœbo  
 Vt subito varias celfis è montibus herbas  
 Colligat, & flores, succos, ac balfama conflet,  
 AVSTRIACVM ut REGEM ægrotantem liberet æſtu.  
 Divorum Patri parens tum Penniger Arcas  
 Advolat, atque jugis Muſarum conſtitit altis.  
 Collibus Aonijs procul eſt genus omne ferarum:  
 Imbriferæ nullæ nubes hoc culmen adumbrant:  
 Turbidus haud agitur rapidis Aquilonibus aer:  
 Africus, atque Notus non ulla hîc prælia miſcent:  
 Aſpera non regnat glacies, nec frigoris horror:  
 Hîc nemora ornantur myrto, lauroque virenti:  
 Perpetuò floret tellus, Cœlumque ſerenum  
 Ridet, & æternos emittit campus odores:  
 Ver hîc perpetuum, ſemper levis aura movetur.

Hîc

Hic Musæ refono permulcent æthera cantu;  
Phœbus & in medio redimitus tempora lauro;  
Concentum dulcem nunc his, nunc imperat illis:  
Quælibet alternis modulatur carmina voce  
Ad fontis ripam, cœpit qui volvere lymphas,  
Bellorophontis equi cum perculit ungula saxum:  
Calliope formosa novem Regina sororum,  
Fortia facta Ducum, generosa & gesta virorum,  
Qui fudere prius multo cum sanguine vitam,  
Ac sibi pugnantes famam peperere perennem,  
Mellifluis pandit modulis, ac tollit ad astra:  
Ingeniosa refert Clio res temporis acti,  
Omnes Divorum laudes, hominumque triumphos.  
Implens Melpomene lacrymosis quæstibus auras,  
Flet tragicos Regum clades, & funera acerba:  
Sed licet hæc recinat nonnulla moventia fletum,  
Corda tamen querulis lamentis sedat, & aures.

Feli-

Felices rerum eventus, casusque secundos,  
Dulciter eloquitur plectro resonante Thalia.  
Euterpe calamo, ac tenui modulatur avena,  
Damonis, Lycidæque, & agrestia facta Menalcæ.  
Therpsicore blandis citharis iramque, metumque,  
Et spem, lætitiâque, fugam, magnumq; dolorem,  
Concinit affectus varios, movet, imperat, auget.  
Dulcisonis Erato numeris decantat amores,  
Exercet choreas, præfert & gaudia vultu.  
Uranie referens motus renitentis Olympi,  
Describit tenero palantia sidera cantu,  
Solis, & accessus, cursum, rapidosque recessus.  
Brachia deducit molli Polyhymnia gestu.  
Nititur hîc ingens numerus, Juvenumque, Senumq;  
Passibus haud lentis Pimplæum scandere montem,  
Sudore exhaustus nimio, nimioque labore;  
Sed vix defessus multum post temporis unus  
Per-



Pervenit, & frontem viridanti fronde coronat.

Tum Maja genitus fari sic incipit ore.

Phœbe potens cantu, succos qui noscis, & herbas,

Corpora cui virtus sanandi, & cura medendi

Plurima concessa est, Cœlo me misit ab alto

Juppiter æthereus, tibi ut hæc mandata reportem:

Fac, ait, ille legat varijs de montibus herbas,

Exprimat & succos, pretiosaque balsama conflet,

Ad primam ut possit Regem revocare salutem

AVSTRIACVM, tristi morbo, febrique gravatum.

Dixerat: at gremium lacrymis implevit Apollo,

Namque fuit Phœbo carus, Musisque SECVNDVS

CAROLVS AVSTRIACVS, nostri nova gloria Secli.

Ingentes gemitus imo de pectore ducunt

Pierides Divæ, pariter Phœbumque precantur,

Ut det opem AVSTRIACO REGI, mortisq; periclo

Liberet herbarum virtute, atque arte medendi.

Ex-

Extemplo is colles sublimes advolat Idæ ,  
In quibus alma Venus dictamum carpserat olim ,  
Cum femur infixum nati curavit acuta  
Cuspide, lethali retrahens de vulnere ferrum.  
At Divum interpres dictis solatur amicis  
Pierides mœstas, memorans jam stamina vitæ  
Protraxisse feras Divino Numine Parcas  
AVSTRIACO REGI, multos qui vivet in annos.  
Hæc inter, lapsos celsi de vertice montis  
Præcipites, cernens Juvenes, hic Nuncius Ales  
Constitit immotus, doctas rogat atque Camænas,  
Qua ratione cadant illi de culmine Pindi.  
Cui placido Musarum una est sic ore loquuta :  
Illi nulla cedro finxere poemata digna,  
Quos nunc præcipitare vides, nullasque biberunt  
Sacri fontis aquas, dicendi his copia semper,  
Defuit, hi semper caruerunt divite vena.


Idem

Idem conspiciens auratis plena libellis  
Scrinia, quæ sunt tam præclara volumina, dixit?  
Illa sub hæc: Libri, quos magnus scripsit Homerus  
Hic sunt, & mira quos tradidit Ennius arte:  
Dulcibus hic numeris sunt verba ligata Maronis,  
Arma, virumque feri cecinit qui horrentia Martis.  
Hic Lyrici Flacci versus, hic carmina Vatis,  
Quem Latio felix eduxit patria Sulmo:  
Hic nitet, in scenas quicquid deduxit, & actus  
Plautus, & effinxit quodcumque Terentius Afer.  
At cum despiceret lacerata Pocamata multa,  
Atque abjecta, iterum sic est Cyllenius orsus:  
Hæc cur sprete jacent in terra, incultaque scripta?  
Calliope dedit hæc contra responsa roganti:  
Quæ nunc metra solo cernis neglecta jacere,  
Indocta effudit temere, rudis atque Juventus,  
Quæ non Castalij libavit fluminis undas.

Sic illa: At Patris supremi haud immemor Ales  
Nuncius, ò Divæ, cogor discedere, dixit,  
Jussibus ut possim summi parere Tonantis.  
Vos mihi Pierides suaves, caræque valete,  
Omnem tristitiam ex animo depellite vestro,  
Ex oculis tandem lacrymas prohibete fluentes,  
Spero etenim ( talis nec me spes pascit inanis )  
Me cito Parnassi rediturum ad culmina Montis,  
Incolumi de Rege ut nuncia læta reportem,  
Cujus amor dulcis versatur pectore nostro.  
His dictis, petijt Cœlestia Regna volatu:  
Ac velut in somnis tenuis, quæ apparet, imago  
Effugit illa statim rapidis velocior Euris;  
Musarum ex oculis fugit sic Plejade natus.



LIBER TERTIUS.



**L** Egerat interea celsis de collibus herbas  
 Phœbus, & è varijs conflarat balsama succis,  
 Redderet ut REGIS moribundi in pristina vires.  
 Jamque propinquabat claram Regnantis ad Urbem.  
 Hic, ubi ad Oceanum surgunt sublimè columnæ  
 Herculeæ, Europæ fines, Libyæque videntur,  
 Est ora, Hesperiam veteres quam nomine dicunt;  
 Hanc tumidis undis rigat altus Iberus ab Euro,  
 Et Tagus à Zephyro, Pætisque à flatibus Austri,  
 Cingunt ex Aquilone Pyrenæi undique Montes;  
 In media AVSTRIACI CAROLI hac regione refulget  
 Regia, & huc celerem cursum direxit Apollo,

Mœnia qui cernens, altorum ac tecta domorum,  
Hic, ait, in stratis languet virtute renidens  
AVSTRIACVS Princeps, morbo vexatus acuto;  
Miraturque vias stratas, sedesque superbas,  
In quibus Heroes habitant, magnique Dynastæ.  
Hinc, atque hinc vultus manantes fletibus, atque  
Ora modis hominum vidit pallentia miris:  
Audiit, & gemitus, voces, tristesque querelas,  
Quas mœstæ Hesperides, crines de more solutæ,  
Fundunt regifico luxu de marmore structo  
In templo gemmis nitido, fultoque columnis,  
Quò veniunt lacrymis, votis, precibusque perentes  
AVSTRIACO Regi caram, optatamque salutem.  
Agnovit Phœbus, fuerat quæ causa doloris,  
Et tristis gemitus, tenditque ad Regia gressum  
Limina. Vestibulum ante ipsum, foribusque superbis  
Inclyta gesta virum multo prospectat in auro,  
Per-

Percussusque simul lamentis, atque ululatu,  
Undique & assidue mœrens quæis aula sonabat;  
Accurrit propere, CAROLI petit inde cubile,  
Atque videns stratis ejus pallentia membra,  
Vivida namque aberat languenti è corpore virtus;  
Ægroto AVSTRIACO immortalia balsama spargit,  
Et subito vires repararunt membra priores,  
Jucundusque color toto diffunditur ore;  
Omnis abijt languor, febris decedit & omnis:  
Cara salus redijt, lætusque recessit Apollo.  
Tum caput extollit, tendensque ad sidera palmas  
AVSTRIACVS, meritas, inquit, tibi solvere grates,  
O Pater, Omnipotens, nequeo: sub pectore firma  
Gratia semper erit, semper celebrabere dictis  
Ipse meis. Dixit: Circum & sua lumina volvens  
Aspicit astantes mœstos, lacrymasque gementum,  
Quos sic solatur placido, vultuque sereno:

Men-

Mentibus è vestris mœrorem tollite, Fidi  
O famuli; ex animis pavidas deponite curas:  
Jam concessa salus Divino Numine nobis;  
Vos precibus, votisque Deo persolvite grates.  
Sic fatus: Dedit & dulci sua membra quieti.  
Spargitur interea totam vulgata per urbem  
Fama volans, cunctorum ingenti & pectora complet  
Lætitia. Inde senes, Juvenes, castæque puellæ  
Templa piæ repetunt, onerantque altaria donis;  
Ac veluti magno jactati turbine nautæ,  
Spe sine cum portum tangunt, veterumq; malorum  
Obliti, genio indulgent, lætantur, & omnes  
Sollicitos subito ponunt de corde timores,  
Littore & exercent cantus, lætasque choreas;  
Sic reparata salus REGIS cum venit ad aures,  
Cunctorum inflectit blanda dulcedine sensus.  
A st ululat tantùm, stridet, tristatur Erinny's,  
Atque



Atque his horrendis clamoribus æthera rumpit;  
 Quid faciam infelix? Terris ego victa recedam?  
 Quid dicet Pluto? Eumenidum, quid turba sororum,  
 Cum me Tartarea dejectam in sede videbunt?  
 Menè unquam victam, terris decedere? Restant  
 Vincendi jam mille modi: Regnator, Olympi  
 Non se jactabit Stygium superasse Acheronta.  
 Hæc ait: ac præcep̃s Erebi descendit ad umbras;  
 Hanc ubi viderunt mœstam rediisse sorores,  
 Illicet horrendis implent ululatibus antrum;  
 Ipsa sed immani rabie, cœcoque furore  
 Horrifici accedens umbrosum Ditis in antrum,  
 Auxilio Superum, clamat, reparasse salutem  
 AVSTRIACVM, occultas Erebi valuisse nec artes;  
 Pluto his auditis rabidus sic ora resolvit:  
 Quid nobis tandem suprema potentia prodest?  
 Si neque mortalem Regem compellere dira

Possumus ad fata, ut latè fera bella gerantur,  
Per quæ mille viri miseranda morte perempti  
Pallida Regna petant. Nobis sunt robora, firmo  
Pectore sunt vires: evertam viribus orbem:  
Vicerit haud semper qui torquet fulmina ab alto:  
Haud semper tetro miser in Plegethonte jacebo.  
Heù cur, ò Superi, Cælo qui ducitis ævum,  
Audetis vanas naturæ reddere leges,  
Et CAROLO, invitis Parcis, conferre salutem?  
Quos ego: sed præstat crudelia bella movere.  
Sic ille: interea Phœbus festinat ad æthram,  
Atque Jovi, pulsam febrim, morbumque fugatum  
Enarrat virtute sua, medicamine, & arte:  
Juppiter ereptum tanto discrimine Regem  
Latatus, Cælo fieri solemnia sacra  
Indixit, Musasque almo de Monte vocari  
Jussit, ut AUSTRIACUM canerent super astra Monarchæ,  
Mul-

Mulcerentque Polum cantu, numerisque sonoris.  
Parnassi culmen subito Cyllenius Ales  
Pacato vultu petijt, Divasque vocavit,  
Quæ celeres Jovis ad sublimia tecta volarunt.  
His Pater Omnipotens folio sic infit ab alto:  
AUSTRIACO, cujus pietas quam maxima fulget,  
Stamina tentarunt vitæ cui scindere Parcæ,  
Cum fuerit collata salus ab Apolline nostro,  
Hunc festum celebrate diem, nunc gutture voces,  
Ingeminate, lyræ nunc dulcia fila movete  
Auratis plectris, melicos & fundite versus:  
Carminibus resonent Cœli Palatia vestris:  
Tritonis Pallas, Venus aurea, pronuba Juno,  
Casta Diana choros exerceat: Iris, & Hebe  
Frondes, atque rosas manibus dent lilia plenis.  
AUSTRIACUS vivat, claro de sanguine Prolem  
Progignat, sceptro totum sustentet & orbem;

Eximijs ornet Divina altaria donis,  
Usque triumphali redimitus tempora lauro.  
Eja agite, ò dulces natae, decoretq; canentes  
Principis invicti laudes, atque inclyta gesta,  
Dulcifono & reboet cœlestis Regia plausu,  
Assensere Jovis festivis Numina dictis,  
Edensque ore melos liquidum, sic incipit alma  
Calliope: Quamquam mandas nimis ardua nobis,  
Omnipotens (REGIS summas attingere laudes  
AUSTRIACI quisnam poterit?) tamen ipsa referre  
Incipiam, quando tua jussa facessere cogor.  
CAROLUS AUSTRIACUS, radianti lumine fortes  
Cujus Majores fulsere ut sidera terris,  
Excellit cunctis, ut Sol, virtutibus unus.  
Hic facile alloquitur semper, vultuque benigno  
Admittit populos: ad se non impedit ulli  
Accessum, placideque suos amplectitur omnes:

Ma-

Majestas semper lenis spectatur in ipso.  
Comiter ò quoties miseris succurrit egenis!  
O quoties rebus dubijs solamen amicum  
Præbuit afflictis, ipsosque dolore levavit!  
Hic animi motus solidæ virtutis habenis  
Invictus domuit recta à ratione rebelles:  
Laude pudicitiaë celebris, maculare pudorem  
Noluit illecebris blandis, licet ortus in aula:  
Quis fuit in terris unquam observantior æqui,  
Imperium Astrææ recta quum lance gubernet,  
Jus & cuique suum tribuat, nec læserit ullum?  
AUSTRIACO CAROLO quisnam clementior unquam?  
Crimine commissio meritis cum sanguine pœnas  
Nemo daret; magnus Princeps: ni fortè timeret,  
Ne sua jam populis clementia tanta noceret,  
Quandoquidem vitam crudelibus ipse remisit  
Hostibus, & magnos etiam concessit honores.

Regifico luxu molitur templa, nec aras  
Desinit ante pias redolentia Thura cremare,  
Sacratas ædes pretioso munere complet,  
Votisque assiduus oculos ad sidera tollens;  
Et terræ, & Cœli supremum Numen adorat;  
Mcenia, magnifico quæ crexit publica sumptu,  
Quasque vias stravit, quæque oppida celsa novavit;  
Quaque armet virtute micantes are catervas,  
Quis canat? atque Duces quo complectatur amore;  
Et quibus auxilijs orbem defendat ab hoste,  
Militibus facto tribuat quæ præmia bello.  
Dicere Musarum Princeps jam plura volebat.  
Juppiter at jussit modulis imponere finem.  
Calliope cecinit: plauserunt Numina, & omnes  
Cœlicolæ: chordis doctæ plausère sorores.  
Talibus arrisit nitidus concentibus Æther,  
Altaque mellifluis sonuerunt atria metris.

Un-

Undique sunt ludi, sparguntur & undique odores,  
 Undique odorati funduntur nectaris urnæ:  
 Nec minus interea cunctis celebratur in oris  
 Terrarum tam fausta dies, festisque figantur  
 Nocturnæ facibus tenebræ, tormenta per arces  
 Lætanti sonitu simul exploduntur, & urbes,  
 Et regna, & populi testantur gaudia plausu.  
 Neptunus tumidis sensit stupefactus ab undis,  
 Effert atque caput, cupit & cognoscere causam,  
 Cur explosa tonent altas tormenta per arces,  
 Lumine purpureo niteat cur clarus Olympus,  
 Florea gemmato cur gramine præta virescant,  
 Cur hominum teneant ingentia gaudia mentes?  
 Tum delapsa Polo vox hæc deuenit ab alto:  
 AVSTRIACI est reparata salus Regnantis Iberi.  
 Dulcibus obstupuit dictis Neptunus, & infit:  
 Ergo est AVSTRIACVS vitæ revocatus ad auras?

Q ni-

O nimis alma dies, albis signanda lapillis!  
O tempus felix! o semper memorabile seclum!  
Hæc ubi dicta: Vocat Tritonem, atq; inde repente  
Imperat ut Pelagi Divi, Divæque vocentur.  
Ille sui Regis confectum jussa capeffit.  
Et jam conveniunt curvæ ad modulamina Conchæ,  
Nereus, & Protheus, Phorcique exercitus omnis,  
Nereides, venit pulcherrima & Amphithrite,  
Quas sic alloquitur tumidarum Rector aquarum:  
AVSTRIACVS PRINCEPS, nobis carissimus unus,  
Qui nostro valida prædones aequore classe  
Expulerat semper, jam jam moriturus, amico  
Auxilio superum est vitæ revocatus ad auras:  
Quilibet hinc hilares sentit sub pectore motus,  
Urbes, tecta, domus, celsæ exhilarantur & arces,  
Exultant campi, tellus exultat & omnis,  
Sublimique Polo radiantia sidera gaudent,

Hunc



Hunc quoq; nos celebrare diem debemus ovantes;  
 Quare agite, ò Divi, atque Deæ, clarissima signa  
 Nunc date lætitiæ summæ, indulgete choreis,  
 Vix hæc ediderat, qui vastis imperat undis.  
 Gestire incipiunt subito tunc Numina Ponti,  
 Cœruleumque implent lætis clamoribus æquor,  
 Et lætus cantat Protheus, sortemque futuram,  
 AUSTRIACIQ; refert prolem, quæ clara nitescat;  
 Hostibus expulsis Solyma potiatur & Vrbe;  
 Imperium Oceanû; famam quæ terminet astris.  
 Cantibus æquoreis lætantur Oreades altis  
 Montibus, & gaudent sylvis Dryadesque, Napææ;  
 Najades & nitidis saltant in fontibus almæ;  
 Parthenope cithara Tyrrheno in littore Siren  
 Personat aurata, solemnesque erigit arcus:  
 Hujus ad harmoniam, noctes, tenebrasque fugare  
 Accensis facibus jussit LACERDIVS Heros,


Or-

Ortum qui ducens Atavorum è sanguine Regum  
Justitia celebri Regnum moderatur, & urbes :  
Aulam qui voluit Musarum reddere sedem,  
Eximiosque viros ad Regia Tecta vocavit,  
Vt claras laudes, atque inclyta facta referrent,  
AUSTRIACI, crepti immaturo è funere, REGIS :  
Sacris in Templis adolens qui thura Sabæa,  
Et superis grates, vota & solemnina solvit.  
AVSTRIACO incolumi totius denique Mundi  
Machinâ respirans diffundit gaudia vultu ;  
Hos celebrant aer, cœlum, mare, terra triumphos.  
Tartareus tantùm nigri dominator Averni,  
Et sævæ Eumenides plorant, ululantque, gemuntq;  
Et quoniam AVSTRIACI fatis evertere gentes  
Non potuère necem, bellum, excidiumq; minantur.  
Nequicquam ast Orcus spirans è faucibus ignem,  
Orbis conatur placidam turbare quietem ;

Nam

Nam vivo AVSTRIACO pro nobis militat Æther,  
Juppiter in Cœlo pro nobis fulmina servat,  
Queis Erebi vires quatiet, gentemque rebellem,  
Omnibus, & palmas, atque aurea secla reduçet.





THE UNIVERSITY OF CHICAGO

LIBRARY

1900

CHICAGO, ILL.

1900

CHICAGO, ILL.

1900

CHICAGO, ILL.

1900

CHICAGO, ILL.

1900

CHICAGO, ILL.



EJUSDEM JOSEPHI THOMÆ

P O E M A


I N F U N E R E

E X C E L L E N T I S S I M Æ

D. CATHARINAE

A R A G O N I Æ,

S A N D O V A L, &c.



L I B E R P R I M U S.

**M**agnificas Cœli pompas, clarumq; triumphum,  
 Quo cedens terris, Matrona petivit Ibera  
 Sideream sedem, rutilis invec̃ta quadrigis,  
 Dicere fert animus. Musæ, memorate canenti,  
 Cur Heroïnam summi Regnator Olympi

Jusserit extemplo telluris linquere valles,  
Atque triumphantem superas revocarit ad oras.  
Urbs antiqua jacet cunctis notissima fama  
Hesperia in media, Regum gratissima sedes,  
Cujus sublimes arces tolluntur in auras:  
AVSTRIACI Imperij hinc fulget laquearibus aureis  
Aula, ubi sceptrum tenens, foliumq; insigne Secundus  
CAROLVS, imponit leges, ac Regna gubernat:  
Multa hinc præterea spectantur testæ domorum,  
In quibus Heroes habitant, proceresque potentes,  
Atque Heroïnæ generosa è stirpe creatæ,  
Inter quas omnes Atavis de Regibus orta,  
Ut Phœbe stellas inter, CATHARINA renidet;  
Hujus amore flagrans formosa, & candida Virtus  
Destituit terram, propero petit astra volatu,  
Constitit ante Jovem, supplex ac talia fatur:  
Omnipotens genitor, Divumque æterna potestas,  
Vivit

Vivit in Hesperia claro de sanguine nata;  
Dives opum mulier, pietas quam nutrijt alma;  
Inque meo fovi gremio à puerilibus annis:  
Munifice largitur opes, & fronte serena  
Excipit hæc omnes miseros; clementior ipsa  
Non alia in terris, atque observantior æqui:  
Nulli consilio, nulli probitate secunda;  
Emicat in roseo præclara modestia vultu:  
Usque pudicitia candentia lilia servat:  
Usque voluptatem cohibet, sensusque rebellis  
Illecebras blandas constanti mente repellit:  
Tartareos animo propulsat fortiter hostes;  
Fortiter horrificam vitiorum comprimit hydram:  
Assidue ante tuas aras redolentia thura  
Comburit, sacrisque dicat donaria templis.  
Oro, summe Pater, gnatae concede petenti;  
Deferat hæc Matrona solum, fœdasque relinquat

Ter-

Terrarum fordes, Cœli petat astra triumphans  
Ah, quonam usque locis tandem remorabitur imis!  
Da mihi, da, dilecte parens, quod filia posco,  
Incolat æthereos orbes, sedesque beatas.  
Dixerat: at contra Divum Pater, atq; hominū Rex  
Talia voce refert: Dabitur quod, nata, reposcis,  
Temporis haud multum transiverit, ipse jubebo  
Hanc Heroïnā celsas conscendere sedes.  
Sic ait, & totum nutu concussit Olympum.  
Protinus at Virtus Divum è regione profecta  
Præpetibus pennis Hispanam fertur ad Urbem,  
Dulcis ubi semper comes esse solebat alumnæ.  
Nox erat, ac terris animalia cuncta soporem  
Carpebant: sylvæ, pontusque silebat, & aer;  
Jamque è cæruleis surgebat Lucifer undis,  
Pellere Tithoni conjux & cœperat umbras,  
Artus cum lenis CATHARINÆ sompnus habebat;

In-



Incl<sup>y</sup>ta & in somn<sup>i</sup>s Virtus se se obtulit ultrò ,  
Quæ tales hilari effudit de pectore voces :  
O decus Hesperia<sup>e</sup> , ò mulier carissima Divis ,  
Quæ mora tam longa in strato te detinet aureo ?  
Aspice jam fulgens tenebras Aurora fugare  
Cœpit , & excelsi lustrat fastigia montis  
Prænitidis radijs redimitus tempora Phœbus :  
Nonne audis , ut aves implentes dulcibus auras  
Cantibus , invitent quemque ad consueta laborum ?  
Surge age , linque torum , è tepido modò tolle cubili  
Membra , age linque torum , sacras pete protinus ædes ;  
Tempore namque brevi duceris ad astra triumphans.  
Hæc ubi dicta dedit , tenues decessit in auras ,  
Mortalem formam medio sermone relinquens .  
Excutitur somno CATHARINA his vocibus , atque  
Pressa stupore gravi , varias sub pectore curas  
Volvit , & hæc secum vultu demissa profatur :

Quæ

Quæ nunc alta meam tentant insomnia mentem?  
 Decipit an pulchræ nunc me Virtutis Imago?  
 Ipsa brevi summi conscendam sidera Cœli?  
 Juppiter omnipotens, tanto haud me munere dignor:  
 His dictis, subito è strato stupefacta refurgit,  
 Atque animis ardet sacras invisere sedes.  
 Non procul exurgit vivo de marmore Templum,  
 Arboribus cinctum densis in valle reducta,  
 Effulgens rutilis gemmis, solumque columnis,  
 Ornatum varijs auro splendentibus aris,  
 Religione patrum sacrum, multosque per annos  
 Servatum summa semper pietate minorum,  
 In quo perpetuo fumant altaria Thure.  
 Dirigit huc gressum, Titan dum lampade terras  
 Perlustrat transvectus equis, CATHARINA: sequitur  
 Hanc comites lentis gradientem passibus omnes.  
 Qualis ubi lucum repetens Latonia Virgo,

In-

Incedit pharetra, & palla succincta nitenti;  
Flaventesque effusa comas, quas dimovet aura:  
Nympharum magna in sylvis comitante caterva:  
Se talem ad sacras ædes Matrona ferebat.  
Vix procul ex altis muris vestigia pressit,  
Ejus & aspectu lætus sine nubibus aer  
Visus, spirabant Zephyri felicibus auris;  
Undique se blandis ornabant floribus arva;  
Undique se tremulis folijs decorabat & arbor:  
Plaudere visa comis teneris, lætoque susurro  
Manabat fluvius nitidis pellucidus undis,  
Qui cupiens puras gradientis lambere plantas,  
Salve, jucundo resonabat murmure, salve:  
Najadumque chorus cantus, placidasque choreas  
Exercebat ovans, meritoque colebat honore.  
Magnanima interea solito de more Virago  
Exornare aras flammato corde volutans,

Floribus, & folijs, ramos frondentis olivæ  
Virgineis manibus carpit, laurosque virentes:  
Nectarcos flores, argentea lilia, vernas  
Colligit atque rosas, violas, gratosque Amaranthos:  
Nec minus ancillæ gremium tum floribus implent  
Augustæ dominæ exemplo, texuntque corollas;  
Jamque gradum tendens ad limina sacra præibat,  
Atque ubi prospexit Templum, postesque superbos:  
Vos, sacri postes, vos, ò pia tecta domorum,  
Quæ superum servatis, ait, simulacra, saluto.  
His, tandem ingreditur Templum venerabile, dictis,  
Atque genu flectens Divinum Numen adorat,  
Sacra jubet fieri: fertis florentibus ornat  
Aras, æternumque Jovem sic voce precatur:  
O Terræ, Cœlique fator, qui cuncta gubernas,  
Cujus non ardent nutu in fornacibus ignes,  
Diræque Eumenides pavitant, Erebusque tremiscit,

Eff-

Effice, præteritæ sint vera insomnia noctis;  
Me sine terrarum miseram deponere curas,  
Ac rapido concede mihi petere astra volatu.  
Me rape: te cupio: tecum mea sola voluptas:  
Spiritus amplecti meus hic te cominus ardet;  
Cominus ista tuum videant mea lumina vultum:  
Me trahe cœlestem ad sedem, reminiscere & urbes  
Hispanas: CAROLI AUSTRIACI reminiscere Regis;  
Incolumis vivens ducat per secula vitam:  
Invidum CAROLUM mortis defende periclis;  
Et felix terræ semper dominetur in oris;  
Tempus in omne regat populos, gentemq; fidelem;  
Turcarum redigat captiva in vincla Tyrannum;  
Liberet Assyriam mœstam, Solymamq; gementem;  
Et prolem generet, gemino quæ regnet in orbe.  
Respice, quæso, meum LODOVICUM, respice gnatum,  
Fungitur AUSTRIACO REGI qui munere Atlantis

Justitiaque, fide, Sebethi ad fluminis undas:  
Fac multos natus degat dilectus in annos,  
Parthenopesque ferat populo aurea secla gubernans.  
His actis precibus, Superos venerata, recedit  
Liminibus sacris, meditans Cœlestia Regna.  
Juppiter interea speculatus ab æthere summo  
Intentis oculis terrarum prospicit orbem;  
Everfosque videt muros Carthaginis altæ;  
Tectaque belligeris Tyrijs habitata colonis;  
Quæ struxit, miseri conjux phœnissa Sichæi:  
Atque procellosas Syrtes ubi cautus Ulysses  
Turbato socios amiserat æquore mersos:  
Nec non pulvereos agitados flamine montes:  
Ammonis Templum, quo tendere sæpè solebant.  
Fatidica innumeræ quæsitum oracula gentes;  
Cernit & Atlantem, mundi qui sustinet axem  
Saxosis humeris, stellis fulgentibus aptum,  
Omni-

Omnigenasque feras, quas parturit Africa tellus,  
 Horrificos colubros, Tygres, rabidosque Leones,  
 Et mediam Zonam ardenti quæ Sole rubescit,  
 Torrida Phœbeis radijs, & inhospita ab igne:  
 Hesperidum virides hortos, ubi lethifer anguis  
 Hercule percussus servaverat aurea poma:  
 Stagnantem & Nilum è Lunæ qui montibus altis  
 Ægyptum adveniens resonantibus irrigat undis,  
 Septeno impellens tumefactum gurgite pontum.  
 Aspicit ingentes arces, quas condidit olim  
 Magnus Alexander, bello qui terruit orbem:  
 Magnificas Thebas, simulacrum ubi Memnonis altū,  
 Dulcisonum reddit cantum, dum dimovet umbras  
 Auricomus Phœbus, radijs & marmora pulsat:  
 Pyramides summo ferientes sidera cono,  
 Corpora queis fuerant Regum tumultata potentum,  
 Et Ptolemæorum exequata palatia Olympo:

Et

Et multis aulam gemmis, auroque nitentem,  
Quam coluisse potens Regina Cleopatra fertur;  
Atque relucens Erythræo in littore conchas,  
Quæque Arabum tellus producit Cynnama felix,  
Victori optatas palmas, redolentia thura:  
Spectat & augustæ Solymæ sublimia tecta;  
Phœnicesque poli servantes sidera primos,  
Primos tingentes pretioso murice vestes;  
Unde suas literas per Cadmum habuere Pelasgi:  
Et quæ descendunt Libani de montibus undas  
Jordanis fluvij; muros Babylonis & altos,  
Quos Nini mater mira fabricaverat arte;  
Altus ubi Euphrates, Cœlo gratissimus amnis,  
Rura propinqua secans, fecundos irrigat agros:  
Atque ubi Cœleste in solium erexere superbi  
Excelsam turrim, ac victi cecidere Gigantes,  
Illuvies fatalis aquæ postquam omnia merfit:

Præ-




Præcipitem Tygrim, Armeniæ qui montibus exit ;  
Aurifluum Gangem, rapidum miratur & Indum ;  
Unde solet nascens primam Sol fundere lucem ;  
Quò veniens Bacchus superatis hostibus Indis,  
Ad patriam redijt spolijs Orientis onustus ;  
Vnde & Alexander latus, victorque recessit.





# LIBER SECUNDUS.



**P**ost Libyam, atq; Asiæ partem moderator Olympi  
 Conspicit Hircani ferventes æquoris æstus:  
 Et Populos Parthos, qui olim certamine Crassum  
 Devicere, Duçi ac rapuere insignia belli:  
 Et Medos, Persas, telis, arcuque potentes,  
 Cyrus ubi sceptrum tenuit, Darius, & acer  
 Xerxes, Grajugenis qui cladem & bella minatus,  
 Hellepontiacum superavit pontibus æquor:  
 Respicit atque truces Colchos, quos Theßala pubes  
 Per mare non notum ratibus jam prima petivit,  
 Exulis ut raperet radiantia vellera Phryxi:  
 Thermodontiacas & aquas, ubi fortis Amazon

Ar:

Arcubus, & validis jaculis certare solebat :  
Mœandri & Phrygij sinuosas fluminis undas,  
Et vada, quæ resonant Cygnorum voce, Caystri :  
Pactoli viridem ripam, fluitantis & Hermi,  
Auro distinctis semper quæ fulget arenis :  
Insuper ad Taurum convertit lumina montem,  
Cujus in excelsis Aquilæ cunabula ponunt  
Culminibus : Lycia in lata pariterque tuetur  
Ardentes flammæ mittentem ex ore Chimæram :  
Atque Ephesum celsam, redolent ubi thuribus aræ  
Magnifico in templo pulchræ, castæque Dianæ :  
Et Teucrûm campos, steterant ubi pergama Trojæ,  
Cum fuit Imperium Priami, Phrygiique manebant,  
Nunc Xantus, Simois fluvij, & mons visitur Ida :  
Delumque Ortygiam cinctam spumantibus undis,  
In qua Titanis peperit Latona gemellos,  
Fatidicum Phœbi Numen, Divamque triformem ;

Et celebrem Leſbon, blandas ubi pollice chordas  
Alcæus, Sapphoque ſimul pulſare ſolebant:  
Et Scyron, Lemnum, Naxon, viridemq; Donyſam,  
Per medium Ægeum diſperſas Cycladas omnes;  
Urbibus & claram centum Curetida terram,  
Quæ Jovis infantis vagitus auribus hauſit,  
Lactis Amalthææ nutritiv & ubere pingui,  
Æribus & raucis Saturni abſtraxit ab ore,  
Eſt labyrinthus ubi variarum ambage viarum;  
Artificis ſtructus manibus, qui Gnoſſia Regna  
Vitans, Euboicas alis ſe duxit ad oras:  
Sedibus his cæcis, Theſeu memorande, jaceres,  
Regia ni Virgo, ducentia fila dediſſet.  
Heſit & obrutu reſonantis in æquoris undis,  
Icarus illapſus temere cui nomina fecit:  
Ad Paphon, Idaliumq; Amathunta, Gnidumq; Cythera  
Lumina direxit, ſumant ubi Cypridos aræ.

Pro-

Protinus hinc oculis doctas speculatur Athenas,  
Quas Plato Divinus, multi & coluere disert;  
Mellissuum & collem, quem dicunt nomine Hymettú;  
Thermopylas clausas, Marathonem, ubi Græcia victrix  
Erexit Persis præclara trophæa fugatis;  
Thebanam, Cithara Amphion quam condidit, urbem,  
Bacchus & ornavit, vates & Pindarus ortu;  
Parnassum montem, umbrosas Heliconis & oras,  
Picridum gratas sedes, loca sacra sororum,  
Et virides lauros, Permessi & fluminis undas,  
Et Delphos, unde emanant oracula Phœbi,  
-Et Spartam, Eurotam fluvium, bimaremque Corinthum,  
Indomitos Argos, Agamemnoniasque Mycænas:  
Isthmon, Parthenium, Cyllenem, altumque Lyceum;  
Et Pisam, Eleos Campos, ubi Olympia læti  
Jam soliti celebrare olim certamina Prisci:  
Atque Ithacæ parvæ scopulos, ubi natus Vlysses,

Qui Troja rediens diversa per æquora vectus  
 Vi superum fuerat; ventorum ac turbine pulsus.  
 Pelion, atque Ossa, supremi & culmen Olympi,  
 Quis super impositis, Cœlo detrudere ab alto  
 Regnatorem ipsum validi voluere Gigantes:  
 Peneum flumen, patriamque immitis Achillis  
 Larissam, & Pellam primas ubi viderat, auras  
 Magnus Alexander vitæ, populosque feroces,  
 Spicula Mavortis qui bellipotentis adorant;  
 Et Rodopem atq; Hæmum, modulans ubi Thracius ore  
 Dulcifono vates, plantasque, ferasque trahebat:  
 Bosphoron. & refluxum, Byzantia littora, Ponti  
 Euxini fluctus, Tanaisque fluenta nivalis,  
 Qui se Sarmaticis evolvens finibus, intrat  
 Atrocis Scythiæ sinuosis flexibus arva.  
 Cernere Cymmerios nec desinit, atque Gelonos,  
 Qui lac permistum potant cum sanguine equino:

Caucaſeumque jugum, cujus ſub rupe pependit  
 Adſtriſtus duris vinclis, nodiſque Prometheus:  
 Arctoos montes, ſeptem gelidoſque Triones,  
 Semper ubi glacialis hyenis exaſperat æthram:  
 Danubium Scythicum, multas qui perfluit urbes,  
 Et centum populos, Budam, claramque Viennam  
 Auſtriaci Imperij ſedem, fortesque Polonos:  
 Concretum glæcie pigrum nec præterit æquor;  
 Germanaſque acies, duros Aquilone Suevos;  
 Et quoſcumque fovet generoſa Bavaria bello?  
 Luminibus tum Divinis ſe ſe obtulit amnis  
 Eridanus, cecidit curruſ quò auriga paterni,  
 Arnus & Hetruſcus, flava Tyberinus arena,  
 In mare quique fluvit ſeptena per ora Timavus;  
 Aufidus horriſonans lætæ, placiduſque Galeſus,  
 Leniter atque fluens Sebethi rivulus undis,  
 Cujus apud ripam Siren concentibus auras

Parthenôpe mulcet, viridanti & vertice colles  
Pausilypi, Mergillinæ, ignivomusque Vesuvus:  
Et simul appâret Siculis regionibus Ætna,  
Eructans scopulos, flammis & sidera lambens.  
Orcadas, Oceanumque videt, validosq; Britannos,  
Rhenû, Ararim, Rhodanû, Ligerim, Mosamq; Garumnâ,  
Atque Pyrenæos sublimi culmine montes,  
Aurifluumque Tagum, Bætum cum Bîlbilis undis.  
Denique regalem jam contemplatus Iberum,  
Qua lentis gradibus Templo CATHARINA redibat  
Obstupuit faciem aspiciens, vultusque nitorem  
Cœlicolum rector, secumque est talia fatus.  
Quis novus hic splendor? quæ lux incognita nobis,  
Lumina nostra ferit? virtus quæ tanta refulget?  
Anne putem è lucis castam rediisse Dianam,  
Et graviter lassam latis incedere campis?  
At rutilos humeros arcus, dextramque sagittæ

Non



Non armant. Pallas supera num sede relicta  
Degit in Hesperia, pratisque moratur amœnis?  
Non gerit hæc hastam dextra, clypeumque sinistra?  
Credo equidem, nec vana fides, genus esse potentis  
Herois, tanta virtute nitescit, & ore.  
Hæc Heroïna est, dixit quam candida Virtus;  
Hæc est illa, fide fraudes, quæ sola fugavit,  
Extinxit turpes quæ casta libidinis ignes;  
Vicit avaritiæ quæ largo mûnere monstrum,  
Moribus & placidis violentas contudit iras,  
Justitiæque dolos hominum prostravit iniquos.  
Hæc virtute potens, seclerum genus omne removit,  
Atque voluptates Sirenum invicta fugavit:  
Hæc victrix acies furiarum depulit omnes:  
Huic ergo clarus debetur jure triumphus.  
Degere Matronam tanta pietate nitentem  
Non decet in terra, in sede at sublimis Olympi.

Dixit.

Dixerat: Atlantis volucrem vocat inde nepotem,  
Hæc cui pauca refert: Graditur pulcherrima forma,  
Atque omni pietate nitens generosa Virago  
Ad ripas fluvij, dicunt quem nomine Iberum,  
Eja Cœlicolum gaudens ascendat in ædes,  
Maxima quas illi victrici facta pararunt;  
Candentes Horæ celerent, ornentque quadrigas,  
Ducatur queis in Cœlum Heroïna triumphans,  
Atque unâ comiterur eam Latonia Virgo,  
Tritonis Pallas, Phœbus, doctæque Camenæ.  
Tum Jovis Imperio paret Cyllenia Proles,  
Et nitidis Horis aperit mandata Tonantis,  
Quæ subito summi Regnantis jussû faceffunt:  
Distinctum geminis currum, rutilisque Pyropis  
Accipiunt, ducunt & equos, qui cursibus Euros,  
Et candore nives superant: jam lucida frœna  
Mordent, egressi Cœli è præsepibus altis.

Tem-

Tempora tum viridi lauro Victoria cincta,  
Vestibus & niveis circumdata, flectit habenas:  
Jamque volans alto descendit ab Æthere currus,  
Æthereis devectus equis, quem ponè sequuntur  
Numina, quæ jussit celsi Regnator Olympi,  
Constitit atque statim ante oculos gradientis Iberæ  
Matronæ Superum cœtus, cœlestis & axis.  
Obstupuit currum cernens CATHARINA nitentem,  
Et Divos, Divasque omnes, ac talia fatur.  
Quæ nova nunc nostram pertentant gaudia mentem?  
Quis mea tam subitus perstringit lumina fulgor?  
Quam sic alloquitur placide Caducifer Hermes.  
Cara Deo mulier, Cœlo gratissima Diva,  
Te jubet omnipotens Cœlestia scandere Regna,  
Accipere ut possis meritum pietatis honorem.  
Illa sub hæc: Vigilo, an ludunt me insomnia vana?  
Sideream ad sedem supremi conditor Orbis

Me vocet ? Haud equidem tali me dignor honore.  
Hæc referens animo nunc huc, nunc fluctuat illuc.  
Tum Ales : vera vides : te nulla insomnia fallunt :  
Juppiter hoc mandat, rerum cui summa potestas;  
Sit mora nulla : triumphales conscende quadrigas,  
Quas tibi jam pietas, candorque, fidesq; paravit.  
Addidit & Pallas : roseas conscende quadrigas:  
Ne dubita, CATHARINA : tuis hæc debita factis  
Præmia sunt : summi pete lucida testæ Tonantis.  
Perfice jussa Patris summi pharetrata Diana  
Exclamat, terras relinquamus, & astra petamus.  
Astra petamus cum Musis respondit Apollo.  
Numina sic urgent. Ad sidera Ibera Virago  
Attollens palmas, inquit, tibi solvere grates,  
Omnipotens, nequeo : ecce libens tua jussa faceſſo.  
Dilectæ comites, me discedente, \* valete;  
Flumen dulce fluens, & littora nota valete;

Alma

Alma vale tellus, ubi me genuère parentes :  
CAROLE care vale, AUSTRIACIS è Regibus orte,  
Vita, salus orbis, nostri nova gloria fecli.  
Ad superos tendo, tua sed carissima nostro  
Non unquam labi poterit de pectore imago.  
Ad superos tendo, & Cœli comitabor in oris;  
Quæ te produxit, MARIANNAM, Numine Divum;  
Quæ me dilexit summo, dum vixit, amore.  
Sidera clara peto, pro te semperque precabor,  
Proque salute tua. Tu vero, ò maxime Regum;  
Perge meum gnatum LODOVICUM prosequi amore,  
Qui tibi Parthenopem justis moderatur habenis.  
Nate vale, LODOVICE vale, servire Monarchæ  
AUSTRIACO, fuerit tua maxima gloria terris,  
Pro CAROLO Regnum tranquilla fronte gubernas;  
Nec, me abeunte, velis largos effundere fletus,  
Et tristes gemitus, altisque doloribus uri :

Non etenim pereō, è terris ad sidera migro.

Dixerat, & currum conscendit corde sereno.





# LIBER TERTIUS.

## ARGUMENTUM

**F**ulminis interea currus volat òcyor alis.  
 At dulces comites sola in tellure relictæ,  
 Ut discedentem dominam videre per æthram,  
 Abscissæ crines, & tunsæ pectora palmis,  
 Questibus implebant, magnisque ululatus auras,  
 Atque inter crebras lacrymas, gemitusque dolentes,  
 Clamabant omnes, quò tendis nostra voluptas?  
 Quò subito properas? Cui nos, CATHARINA, relinquis?  
 Vicinum flumen, cui nos, CATHARINA, relinquis;  
 Murmure luctifono ripa resonabat ab alta?  
 Mœrebant volucres CATHARINAM voce vocantes,  
 Plorabantque cavæ valles, collesque gemebant:

In

In pratis flores, in sylvis ingemit arbor;  
Terra dolet, gaudet tantum sine nubibus aer  
Lucidior solito, Zephyri spirantibus auris,  
Dum stellante rota liquidum secat æthera currus.  
Ac veluti æquoreos fluctus cum scinderet Argo,  
Ismarius vates feriebat pectine chordas:  
Sic Heroïnæ volitante per aera curru,  
Tangebatur citharam plectro crinitus Apollo,  
Musarumque chorus docto effundebat ab ore  
Tales concentus. O terque, quaterque beati,  
Qui bene viventes Cœlestia Regna pararunt;  
Pugnantisque sibi clarum peperere triumphum.  
Non fuit his unquam sensus jam grata voluptas,  
Deliciæque breves nullæ placuere: Tyrannum  
Vicerunt Erebi diro certamine facto,  
Et bona terrarum pariter sprevere caduca;  
Hinc merito semper tranquilla pace fruentur;



Lætitia & summa perfundent pectora semper.  
Væ miseris contra, sceleratam ducere vitam  
Qui voluere: fuit non inclyta gloria gestis  
Parta suis, nunquam ad superos sua corda tulere;  
Illecebris fracti sensus mala gaudia mentis  
Amplexi, vani cessere Cupidinis armis.  
O infelices! visent cæca ostia Ditis,  
Umbrarumque domos, ac luce carentia Regna,  
In quibus assidue ardenti patientur in igne;  
Frigoris asperitate tremant, glacieque rigebunt:  
Horrendis monstribus, Scyllis, Pythonibus, Hydribus;  
Harpyiis laniabuntur, sævisque Chimæris.  
Discite mortales molles contemnere sensus  
Delicias, justasque Jovis non spernere leges;  
Tendere ut astriferum Regnum possitis ovantes.  
Cantibus his hilares ducebant astra choreas.  
Has dulces voces, hunc & Cynosura triumphum;

Hunc

Hunc Helice plaustum miratur ab axe Borco;  
 Hæc servata viris Grajis, Phœnicibus illa,  
 Qui mare trajiciunt, pandunt & carbasa ventis;  
 Mirantur pariter, jucundo ac pectore gaudent,  
 Hesperidumque Draco, qui cœsus ab Hercule clava  
 Occidit, atque fuit stellarum in sede locatus:  
 Et pulchra Andromede monstribus objecta marinis,  
 Quam fortis Perseus crudeli morte redemit:  
 Gestit & Arctophylax custos Erymanthidos ursæ;  
 Gnosfiacæ exultat stellata corona puellæ,  
 Quam Theseus quondam deserto in littore liquit,  
 Progeniesque Jovis mitis dilexit Jacchus:  
 Insolito fulgent Berenices lumine crines;  
 Splendentem currum læto clamore salutat  
 Amphitryoniades cinctus renitentibus astris,  
 Qui puer in cunis rabidos eliserat angues,  
 Cerbereumque canem traxit, domuitque Leonem,

Geryonem, Diomedis equos, aprumque Erymanthi,  
Eripuit monstribus totum qui viribus orbem.  
Ingeminat lyra concentus, chordisque resultat,  
Quæ cantu belvas, sylvasque, & saxa trahebat,  
Sedavitque feros manes, & Tartara flexit;  
Ex Erebo Euridicem traheret cum Thracius Orpheus.  
Ledeus Cygnus recinens diverberat alas.  
Lætatur Delphin, qui vexit Ariona dorso  
Per freta vasta chelym pulsanter pectine eburno:  
Lætitiæ dat signa alata propago Medusæ  
Pegasus, ætherias quatiens qui calcibus auras  
Persea per varias partes transvexerat orbis,  
Atque volans tandem Parnassi in vertice sacro  
Percussit saxum, & manavit Castalis unda:  
Dant plausum Taurus Crætæis qui appulit oris  
Europam; gemini œbalio de sanguine nati:  
Herculeusque Leo, Virgo quæ fulget aristis,

Libraque, Scorpius, Arcitenens, & Signifer Orbis  
Apparet totus festiva luce coruscans:  
Splendidior solito visa est via lactea in alto,  
Unde triumphales currebant axe quadrigæ:  
Se placidum ostendit nautis infectus Orion,  
Armaque deposuit: manavit flumine lactis  
Æthereus Nilus; radiantia vellera puppis  
Argo substravit, Colchos qua vectus Jason:  
Araque Cœlestis jucundo fumat odore.  
Jamque triumphalis currus feliciter altis  
Pervenit ad Cœli portas, quæ sponte pateſcunt,  
Cœtus ubi Divum venientem expectat Iberam  
Plausibus Heroïnam, iterumque, iterumque salutat.  
Excipiunt pariter, summo ac venerantur honore  
Omnes Cœlicolæ, ducuntque Tonantis ad ora,  
Qui læto vultu folio sic inſit ab alto.  
Venisti tandem nobis, carissima Diva,

Accipe nunc victrix tantorum iusta laborum  
Præmia, quos terræ, dum vita manebat, in orbe  
Passa es: Chrysolithis distinctam, auroque coronam  
Accipe: stelliferi Cœli cole regna piorum,  
Nullus ubi morbus, nec mœror, & anxia cura,  
Nec timor exagitat gelida formidine mentes;  
Sed secura quies, ac semper læta juvenus,  
Iustitia & pietas, & pax tranquilla nitescit.  
Hic nunquam glacialis hyems, sed tempora Veris  
Perpetui rident, florentia prata virescunt.  
Hic nunquam nox horrenti circumdatur umbra:  
Æternùm micat alma dies: Sol usque serenos  
Effundit radios, & lumine vestit Olympum:  
Siderei que chori concentibus æthera mulcent.  
O si mortales omnes sic vivere vellent,  
Turpes exosi culpas, fraudesque, dolosque,  
Cingere vt æterno possent sua tempora ferto,

Hostibus & victis super astra referre triumphum :  
Dixerat, intonuitque Polus modulamine vocum,  
Cunctaque plausere his Cœlestia Numina dictis.  
Undique dulce melos, Citharæq; Lyræq; sonabant :  
Undique ducebant Divi, Divæque choreas :  
Funduntur flores læti à Cœlestibus hortis,  
Lilia mixta rosis, immortalesque Amaranthi :  
Sternuntur lætæ palmæ, laurique perennes :  
Ridet ubique domus suavi cœlestis odore ;  
Nectaris æterni decurrit flumen ubique,  
Dulcis & ambrosiæ convivia ubique parantur.  
Tum vero nitida CATHARINAM in sede locarunt,  
Vestibus indutam niveis, cinctamque corona.  
Atque ubi conscendit, convertens lumina circum ;  
Reginam vidit MARIANNAM in sede nitenti,  
Ornatam chlamyde immortalis murice tincta,  
Cujus præcingit crines diadema coruscum.

Dex-

Dextra gerit sceptrum, gestamen nobile Regum,  
 Augusta & gravitas, splendor, decus enitet ore:  
 Protinus assurgens summo veneratur honore,  
 Reginamque suam læto clamore salutat,  
 Quam sic alloquitur vultu MARIANNA sereno:  
 Gaudeo forte tua, faustis & gaudeo fatis.  
 O te felicem, Cœli cui contigit oras  
 Scandere, telluris desertis vallibus imis.  
 Veræ hîc delicia, æterna hîc sunt gaudia vera.  
 Hîc nos felices erimus, semperque beata.  
 AUSTRIACI hîc resident REGES in sedibus altis.  
 Aspice, ut Hispani vivant super astra PHILIPPI.  
 Quem iuxtâ cernis nimia splendescere luce,  
 CAROLUS est QUINTUS pietate insignis, & armis,  
 Marte feras vicit gentes, domuitque superbos,  
 Stravit & adversas acies interritus hostes  
 Aggrediens, palmas tenuit, statuitque trophæa:

Irruit

Irruit in Turcas , qualis de montibus altis  
Præcipitat torrens quercus , & saxa revolvens ,  
Aut velut in turres erumpit ab æthere fulmen .  
Inclyta Chartago , populos quæ vicerat olim  
Romanos , hujus dextra superata potenti est .  
Pannonia aspexit solo cognomine QVINTI  
Regnatorem Asiæ victum , subitoque fugatum :  
Dejecit Cimbros , Gallos , duosque Sicambros  
Invictus bello semper terraque , marique :  
Imperij posita spatiosi denique cura ,  
Sideream hanc sedem , & Cœlestia Regna paravit .  
AVSTRIACOS alios prospecta hîc ordine longo ,  
Solis utramque domum implerunt qui fortibus ausis ,  
Moribus , atque pijs petière hæc atria factis .  
Hîc LACERDIADAS sublimi in fede micantes  
Aspice , Fama canit quorum clarissima gesta .  
En tibi SANDOVALIADAS , qui hæc Regna beata

Sunt



Sunt meriti, Spe, Justitia, Pietate, Fideque.  
Quas vero vacuas sedes hac cernis in aula,  
Fulgent pro CAROLO genui quem cara Secundo  
Mater, quique meis oculis est carior ipsis;  
Hic licet ægrotus nuper, tellure gemente,  
Migraturus erat jam jam sublimis ad astra,  
In terris vitam multos producet in annos,  
Et multos gignet natos, per secula multa  
Victuros, gestis claros, virtutibus, omnes  
Quos hinc expecto longi post temporis ævum  
Sedibus æthereis, fertis, sceptrisque decoros.  
Hæc etiam tuus adveniet LODOVICUS ad astra,  
Inclyta progenies, Atavis è Regibus ortus,  
Tam bene Parthenopës CAROLI qui regna gubernat;  
Hic quoque progignet natos, natiq; parentisque  
Has fortunatas recolent, sedesque beatas.  
Augusta hæc læto MARIANNA est ore loquuta,

At

At dulci alloquio Reginae è pectore grates  
Perfolvit CATHARINA suæ, veneratur & unâ  
AUSTRIACOS magnos REGES, summosq; Monarchas,  
Regalique suos Atavos è stirpe creatos;  
Et tandem ingenti plausu celebrata refedit.

F I N I S.



EMINENTISSIMO SIGNORE.

**G**ioseppe Thoma Lettore di Rettorica ne i Regij Studij di questa Città, supplicando espone à V. Em., come desidera dare alle Stampe un Libro, nel quale si contiene un' Oratione, & un Poema intorno alla ricovrata salute di CARLO SECONDO Rè delle Spagne (che Dio guardi) & un' altro Poema intorno alla morte dell' Eccellentissima Signora Donna Catarina d' Aragona Sandoval. Per tanto supplica l'Em. V. degnarsi commetterne la revisione à chi li pare, acciò possa poi ordinarfi che si stampi, ut Deus, &c.

*Reu. Dominus D. Philippus de Anastasio videat,  
& in scriptis referat die 9. Maij 1697.*

JO: ANDREAS SILIQUINUS VIC. GEN.

*D. Januarius de Auria Can. Deput.*

EMINENTISSIME DOMINE.

**S**umma animi voluptate percurri, quæ D. Josephus Thoma tum soluta Oratione, tum Carminibus vineta scripsit pro reparata CAROLI SECUNDI salute, & in funere Excellentissimæ D. Catharinæ

tharinæ Aragoniæ, Sandoval, &c.; sunt enim sententiarum gravitate, & figurarum venustate referta: nec quicquam occurrit, quod religionem, pias aures, aut incorruptos mores offendat. Quas verò fabulas commentus est, præterquamquod præclarissimam continent allegoriam, poetice se conscripsisse testatur: ea propter typis edi posse existimaverim, si eadem Em. V. mens fuerit. Hæc ut tua jussa facerem, scripsi. Vale. Idibus Maij M.DC.XCVII.

Em. V.

*Humillimus, & addictissimus Servus*  
D. Philippus Anastasius.

*Attenta suprascripta relatione Domini Revisoris  
quod potest imprimi*  
*Imprimatur die 19. Junij 1697.*

JO: ANDREAS SILIQUINUS VIC. GEN.

*D. Januarius de Auria Can. Deput.*

ECCELLENTISSIMO SIGNORE.

**G**ioseppe Thoma Lettore di Rettorica ne i Regij Studij di questa Città, supplicando esposte à V. E., come desidera dare alle Stampe un Libro, quale si contiene una Oratione, & un Poema intorno alla ricovrata salute di CARLO SECONDO Rè delle Spagne ( che Dio guardi ) & un'altro Poema intorno alla morte dell'Eccellentissima Signora Donna Catarina d'Aragona Sandoval. Per tanto supplica l'E. V. degnarsi commetterne la revisione à chi li pare, acciò possa poi ordinarli che si stampi, ut Deus.

*Rever. D. Gregorius Messerius videat, & in scriptis referat.*

SORIA REG.

ANDREAS REG.

GASCON REG:

ANDREASSI REG.

*Provisum per S. E. Neap. 9. Maij 1697.*

Speciab. Reg. Carrillo non interfuit.

Mastellonus.

EXCELLENTISSIME DOMINE.

**P**erlegi, acceptis mandatis tuis, tum Orationem, & Poema Iosephi Thoma pro reparata CARO-  
LI

LI IJ. Hispaniarum Regis salute, tum etiam Poema in funere Excellentissimæ Dominæ D. Catharinæ Aragoniæ, Sandoval, &c.; & nihil inveni quod offenderet Regiam Jurisdictionem: immo admiratus sum Authoris eximiam eloquentiam, & præstans ingenium. Quare in lucem edi poterunt, si ita Excellentia Tux videbitur. Vale. Neap. 19. Junij 1697.

Excell. Tux

*Humillimus Servus*  
Gregorius Messerius.

*Visa supradicta relatione imprimatur, & in publicatione servetur Regia Pragmatica.*

SORIA REG.

ANDREASSI REG.

*Provisum per S. E. Neap. 20. Junij 1697.*

Cæteri Spect. Reg. non interfuerunt.

Mastellonus.







200

K

18

